

**DISPUTATIO JURIDICA
DE MUTUO QVAM
ANNUENTE DIVINO
FLAMINE, ... PRÆSIDE
... DN. ORTOLPHO...**

Ortolph Fomann, Nicolaus Beselin,
Valenti Gonzaga



V I R O

Magnifico, Clariss. & Consultiss.

DN. HENRICO STALMEISTERO,
Reverendissimi & Illustrissi-
mi Principis ac Domini, D O M I N I

V D A L R I C I Episcopi Sverinensis, Ducis Sle-
suicensis, Holsatiae, Stormariae & Ditmarsiae, Co-
mitis in Oldenborg & Emdenherst. DN. sui
Clementiss. Cancellario digniss. nec
non U. J. D. celeberrimo.

U T E T

Clariss. Consultiss. & Excellentiss. VIRO
DN. THOMÆ LINDEMANNŌ.

U. J. D. eximio, Academiae patriae
Professori publico.

Tum etiam

Prudentissimo, Excellentissimo, longo
rerum Civilium usu praestantissimo VIRO

DN. BERNHARDO CLINGEN

Inclitae Reipub: Rostoch. Senatori primario.

Dominis affinis & fautoribus multis nominibus

suspiciendis hanc legalem disputatio-
nem officiose,

D. D. D.

AUTHOR & RESPONDENS

DISPUTATIO JURIDICA
DE MUTUO.
THESIS I.



Vanquam quidem communicandarum utilitatum causa, contractus inter homines sint instituti, *arg. l. 12. ff. d. pignoris. & hypoth.* attamen variè secundum variam diversumque contrahentium modum considerantur.

II.

Nonnunquam etenim contrahendo hoc agitur, ut tradatà quidem re, non statim traditum quoque censetur dominium, aut plena & liberrima de ea disponendi facultas, ut in Commodato, §. 2. *Inst. quib. mod. re contr. oblig. l. 3. §. 1. ff. comm. junct. l. rei 8. cum l. seq. eod. Cujac. in parat. b. Vult. 1. J. R. 8. 32.* Deposito §. 3. *Inst. quib. mod. re contrah. obligat. l. licet 17. §. 1. ff. dep. l. 12. ff. eod. Vult. 1. J. R. cap. 33.* Et pignore §. 4. *Inst. d. t. l. 21. §. 2. & 3. ff. d. pignoris & hypoth.* Nonnunquam contra contrahendū convenitur ut concessa re concessa simul videatur ejus administratio; ut in Mutuo; *l. 2. §. appellata ff. d. R. C. ubi gloss. & Dd. arg. l. 55. ff. d. solut. Wesenb. b. n. 9. Cujac. 11. obl. 37. Coras. 3. Miscell. 10.* De quo contractu nostra cum sit instituta disputatio, more rectè scriptionis initium nostrum ab ejus definitione sumemus.

III.

Definitur autem diversimodè a JCris, aliter à Cogn. aliter à Bart. nos vero communem Dd. sententiam sequentes, dicimus esse contractum Jurisgentium §. 2.

§. 2. 1. d. J. N. G. & C. l. 126. ff. d. V. O. l. 5. ff. d. J. & J. Nominatum, quia habet nomen speciale, quod alijs contractibus non est conveniens seu communicabile, l. 2. in princ. l. 26. & 27. ff. d. R. C. l. 7. d. pact. vide Hotoman. in conjec. d. praescript. verb. Kitzel in tract. mutui c. 1. num. 16 & 17. Roman. disp. Stricti juris, quia celebratur datione ficta vel vera rei l. 2. ff. de R. C. Quo quantitas, id est, res, quæ in genere suo functionem recipit d. l. 2. §. appellata, hac lege & conditione datur, ut in eadem bonitate & quantitate restituatur, non quidem in specie, quia mutuando consumitur, quicquid mutuatum est, d. l. 2. sed in genere. Cujac. in parat. b. arg. l. 55. ff. d. solut. Quid ergo est dicendum. si forte ex accidenti & inopinato eveniat, ut debitor, qui primo quidem pecuniam mutuam sumpsit, postea verò pecuniâ mutuata non indigeat, aut eam in rem suam vertendo non dum consumpserit, sed eam creditori suo in specie restituat, mutuum né contractum erit? Et quamvis quidem Azoasserat, "mutuum contractum dici non posse, propter generalia l. 2. ff. d. R. C. verba, attamen nos Accursij ad l. 2. ff. d. R. C. hoc casu opinionem sequentes, mutui contractum celebratum esse asserimus.

IV.

Huc definitioni recte subjungimus requisita, quæ ad hujus contractus substantiam quam maxime accedunt, & sine quibus consistere non potest. Quorum primum est *Rei interventio* imprimis enim ut mutuum contrahatur necesse est, ut aliquid interveniat, id est, pecunia vel res alia ad usum alicui concedatur d. l. 2. l. rogasti 11. §. si tibi 1. ff. si cert. petas. Wesenb. in parat. b. num. 10. Donell lib. 14. de jur. civ. c. 1. Si ergo inter te & me conveniat, ut mihi centum mutuo dares, non praus dicitur

dicetur contractum mutuum, quam pecunia numerata, aut alia res, quæ in pondere numero & mensura consistit, mihi tradita sit. Sed si quis chyrographo dato se pecuniam debere confessus sit, quam tamen non accepit, quæque ipsa numerata non est, quaeritur an conditione ex lege possit conveniri? Et verius est, quod ipso iure teneatur. *l. 1. infr. d. liter. oblig. l. 8. C. d. non numer. pecun. l. intra 8 C. eod.* attamen opposita intra biennium exceptione non numerata pecunia, absolvitur *l. 14 § 2. & 15. C. eod. Mynsing. & Schneidw. b. Gomeiz. 2. variar. resolut. 6. num. 7. & comm. Dd. Schurff. 2. consil. 42. num. 4. & seqq.*

V.

SECUNDUM necessarium Dd. faciunt *Dominij translationem*, quod etiam satis colligitur ex *l. 2. §. appellat. ff. d. R. C.* Imo ipse JCtus Paul. argumento ducto ab *Pyromonia* vocabuli, dominij translationem necessariam esse in hoc contractu asserit, dum dicit: Quod mutuum dicatur, quasi quod de meo fiat tuum. Hinc consequens est, eum qui mutuum dat dominum esse debere, *l. 2 §. verum l. si me & Titium 32. ff. d. R. C.* si enim dominus non sit, non potest etiam mutuum contrahendo, dominum transferre. Nemo siquidem plus juris in alium transferre potest, quam ipse habet, *l. nemo plus 54. ff. d. R. 7.* De procuratore autem, cui administratio concessa est, an is recte mutuum contrahere possit, Dd. variant: Et verius est, eum bene posse, si liberam & plenissimam bonorum administrationem eum mandatum habeat. *arg. l. procurator 58. ff. d. pro urat. l. 9. §. nihil sapient 4. ff. d. A. R. D. l. 63 ff. d. procurat. l. 7. §. videtur 1. ff. quib. mod. pign. vel Hypoth. solvat.*

VI.

Diximus ante dominij translationem requiri, cum a. in invitum regulariter nihil transferatur, *arg. l. in vi- to 69. ff. d. R. 7.* recte interpp. te- dum substantiale con- sensum statuunt. Non enim ad mutuum contra- hendum sufficit pecuniam esse numeratam, sed requiritur etiam, ut interveniat consensus ejus, qui dat, & ejus qui accipit pecuniam; *l. non omnis numeratio ff. d. R. C.* Hinc existit quaestio tractata in *l. cum in corpus 36. ff. d. A. R. D.* Si in corpore quidem quod tradimus consentia- mus, in causis verò tradendi dissentiamus, ut potes- sine ex testamento tibi obligatum esse, ut fundum tradam, putem, quem tamen ex stipulatione tibi debeo; quæ- ritur quæ re, an firma oriatur traditio, ita, ut per eam quoq; dominium transferatur? *Julian. in d. l. 36. Resp.* se non animadvertere, cur inefficax ideo sit traditio, præsertim cum juxta *Duar. ad l. b. cap. 2.* non dissensus, sed potius error sit: Error autem causæ, dominij translationem non impedit, modo ab utraque parte error fuerit circa causam seu titulum habilem ad dominij translationem: ut in *d. l. cum in corpus 36 ff. d. A. R. D. W. esenb. §. per tra- ditionem Inst. d. R. D.* facit etiam text. in *l. 18. in fin. ff. d. R. C.* quæ alias à contrarium sentientibus adducitur in con- trarium, ubi condictio consumptis nummis concedi- tur: Condictio autem non cadit in res proprias, sed ali- enas, & translatas: *l. 1. §. fin ff. d. condic. triticar. l. fin. ff. usuf. qui ad. cav.* Recte ergo cum domino *Mosz. tit. d. per j. n. quæ poss. mutare vel non, & domino Pac. cent. 3. qu. 67.* nostro judicio statuimus, quod quamvis in cau- sa quidem dissentiamus, in corpore verò consentiamus, dominium transferatur. Salva tamen inter aliorum sententia.

Consensui per se recte Dd. subiungunt, quomodo
 sit res, quae in hunc nostrum contractum venit, de-
 beat esse comparata, nimirum quod debeat esse quanta
 hoc est in pondere, numero, & mensura consistere, l. 2
 §. 1. *de creditum*, l. rogasti in princ. *de pecuniam*
 §. ff. *de R. C. prom. p. Inst. quib. mod. re contrab. oblig.* Nam
 huiusmodi alterius vicem ita fungitur, ut quaecumque res,
 quae quidem alteri mutuata est, & plane consumpta,
 non quidem in specie, sed in genere restituatur, semper
 tamen, si in eadem bonitate & qualitate restituatur, ea-
 dem restituta praesumatur. arg. l. vlt. *de R. C.*
Resend. in parat. §. num. 11. vult. i. J. R. c. 31. num. 13. & 14.
Gadd. ad l. 4. d. V. S. num. 26. Cusar. 11. obs. 37 Donell. d.
R. C. fol. 10. & seqq. Rejicimus ergo Donell. ad l. 22 ff.
 d. R. C. sententiam, qui quantitatem tantum de pecu-
 nia mutuata intelligit, per l. cum aliter in ff. d. compen-
 sat. l. 3 ff. d. R. C. l. 49 §. 1. in 2. i. ff. d. solut. vide Gadd. ad
 l. per totum d. V. S. & ad quamcumque rem fungibilem re-
 sentiamus praeteritum cum huic nostrae sententiae magnum
 subsecuto noceat l. 1. ff. d. de dict. l. tricar.

VIII.

Ultimo tandem recte subiungunt Dd. quomodo nimi-
 rum res, cuius ante facta est mentio, quae in tantum
 cadit, debeat concedi, num. gratis, num. sub usuris?
 Cum autem iure & ratione caurum sit, quod gratis, prin-
 cip. l. 1. §. 1. concludimus etiam, quod, cum hic contra-
 ctus iunctus sit stricti iuris, l. si aut §. ff. quod cert. lor. usu-
 re non debeantur, nisi specialiter per stipulationem sint
 pronuntia l. 3. incitra vinculum stipulationis, C. d. usur. l.
 Titius 22. ff. d. praescript. verb. l. 10 §. 4. ff. mand. l. 1. C. d.
 condit. l. 1. §. 1. quod C. d. condit. ob turp. caus. l. 11. l. 12. ff. d.
 usur. Paul. 2. l. 1. §. 1. Borholt. d. usur. c. 3. n. 35. vult. i. J. R. 44

Cum autem in toto nostro Romano Germanico Imperio hic contractus sit frequentissimus, & usurarum exactio admodum usitatissima, operæ pretium nos facturos speramus, si contra Macardones illos iniustos aliquo modo in usurarum quantitatem, earumque iustam exactiorem inquiramus: sed ut aliquid veri & certi statuamus, necessum erit, ut tempora distinguamus, modus etenim ille exactiōis, pro temporibus variis etiam varius fuit, ut constat ex *histor Tacit. lib. 6. annal. Liv. dec. 1. lib. 7. App. lib. 1. de bell. civil. Rom.* Olim centesima exigebatur. *l. 8. C. si cert. petat l. 4 §. fin. ff. d. naut. sanor. l. 15. ff. d. negot. gest. vide. Cujac. & Donell. d. usur. cap. 4.* Hunc autem modum & hanc usurarum quantitatem Justinianus sustulit in *l. eos qui 26 §. 1. C. d. usur.* & illustribus personis trientem, mercatoribus bessem, cæteris verò omnibus semissem usurarum nomine attribuit, *d. l. eos qui 26 §. 2.* Huic demum constitutioni Justinianæ derogatum est hodie per novissimas Constitutiones *Maximil. 1. & Carol. 5.* quibus usuræ quincunces indifferenter in Imperio permittuntur. *Reichsabschied de anno 1500 1539. 1548. sub tit. von rucherliden Contracten,* quod etiam hodie in emptione annuorum reddituum servatur. *Petr. Frider. Mind. d. process. c. 72. num. 4. Hart. Pistor. qu. jur. 49. num. 24 Wesenb. consil. 50. num. 34. consil. 14. num. 43.*

X.

Perspecta jam & cognita mutui definitione, ejusque requisitis, progrediendum nobis nunc erit ad ejus divisionem. Nonnulli mutuū faciunt duplex ut *Volt 1. 7. R. c. 31* Aliud proprium, ut vocant, aliud improprium. Proprium dicunt Dd., quod ab initio statim con-

trahitur

contrahitur, quodque statim traditione & perceptione rei vim & valorem suum consequitur: ut pote, cum nummos, quorum nos domini sumus: quorumque alienatio nobis concessa est, mutuo damus, quod fit, quando paterfamilias, aut major 25. annis, aut alias, qui liberam habet bonorum administrationem nuntius alicui concedit nummos. Improprium, quasi, seu præsumptivum mutuum Dd. vocant, quod quidem ab initio non valet, sed ex post facto tamen perficitur *Vult. d. l. veluti*, cum nummi proprii vel etiam alicui, ab eo, qui ius dandi non habet, credendi tamen animo dantur, & consumuntur *l. 11. in fin. l. 23 §. 1. l. 19. ff. d. R. C. Cujac. 13. obs. 28. Borch. d. R. C.*

XI.

Quidam contra juris Interpp. ut sunt Dec. Br. Alexand. & alij magis communiter: Mutuum tripliciter dividunt, I. In naturale tantum; II. In civile tantum; III. In Civile & Naturale simul. Naturale tantum, quando nimirum fit numeratio sine stipulatione de solvendo Civile tantum, quando intervenit stipulatio de solvendo, sine tamen numeratione. Civile & Naturale, quando intervenit stipulatio & numeratio simul, ut in *l. 2 ff. d. R. C.* nos vero rejectis hisce cum *Molin. tract. d. usur. q. 84. num. 654* unicui tantummodo mutuum esse, Naturale nempe statuiamus: secundum *lex borjare §. ff. d. 7. §. 7*. Quando autem quis promittit per stipulationem dare mutuo centum & stipulationem in continente sequitur vel præcedit numeratio, non ex mutuo vel numeratione, sed ex verbis nascitur obligatio *l. si ita 126. §. Chrysegonus ff. d. V. O. l. 6. §. 1. l. 7 ff. d. novat.* Sic si quis literis obligatus est, non conditio cert., sed conditio ex lege oritur, *l. 1. Instit. d. liter. obligat.*

XII.

Ceterum cum parum prolit, nosse quid sit mutuum, siue quodplex sit, si personæ, quæ mutuam pecuniam dare vel accipere possint, ignorentur, præsertim cum personarum siue hominum causa omne jus sit introductum *l. 2. ff. d. stat. homin. §. fin. Inst. d. J. N. G. & C.* Quare videbimus, quæ personæ mutuum contrahere possint, quæve lege hunc contractum celebrare prohibeantur.

XIII.

ET primo quidem mutuum celebrare potest paterfamilias, seu omnis qui liberam rerum suarum habet administrationem & alienandi facultatem *l. 2. ff. d. R. C. arg. l. in remandata. C. Mand. arg. l. nemo exterius C. d. judic.* Quamvis autem paterfamilias cum omnibus personis possit mutuum contrahere, cum filio tamen prohibetur, *arg. l. inter patrem 2. ff. d. contrab. empt.* ratio hæc dari potest, quia filius & pater fictione juris pro una eademque persona censentur *l. fin. C. d. impuber. & al. subst.* Tum quoque nulla inter illos potest esse lis, nullave actio *l. 4. ff. d. judic.* Fallit tamen si filius habeat bona castrentia, secundum *d. l. inter patrem. 2. ff. d. contrab. empt.* cum enim illorum ratione sit dominus *§. 6. Inst. d. milit. testam.* utique patrem illi pecuniam credere posse statuimus.

XIV.

Aultus quoque curatorem non habens, potest mutuare & mutuum contrahere, quia cum hæc sit liberam bonorum administrationem; utique etiam pecuniæ mutuatae dominium transferre poterit *gloss. est singularis in l. 1. §. quæsitum ff. ad SCtum. Trebell. text. in l. 3. §. fin. ff. ad SCtum. Macedon. Jason. in l. non omnis*

omnis §. pupillus ff. d. R. C. Idem quoque de servo dici debere iura voluit, *l. rogasti* §. 5. *§. si fugitivus* ff. d. R. C. hoc tamen addito, ut nimirum servo à domino simpliciter sit concessa peculij administratio, sin minus pecuniam etiā non mutuare aut illius dominium mutuan-
do transerre poterit, secundū *Jas in d. l. rogasti* §. *sed si fugitivus* ff. d. R. C. *Castrens. in summar. ff. si cert. pet.* Optime huc ac edit quaestio de servo, qui Calendaris est praepositus, seu ut vocatur in *l. qui filium* ff. d. legat. 3. ad nomina facienda, & uluras exercendas à domino est vocatus, an etiam possit mutuare & licitè hunc mutu-
um contractum celebrare? Ercum hoc casu utique de domini veritate dubitandum non sit, siquidem eam ob causam operas suas & servitia domino locavit, opti-
me eum posse adstruimus; facit etiam *text. l. ejus qui in provincia* 41 ff. d. R. C.

XV.

Administratores autem civitatum, an etiam hi civi-
tatis nomine mutuum accipere possint quaestio-
nis est? Nos eos optime posse si modo in utilitatem ejus
civitatis, cuius gratia contraxerint, eam vertant *per l.*
27 ff. d. R. C. putamus, Universitas verò qua ratione ex
contractu ab actoribus seu magistratibus gesto oblige-
tur, ingens est Dd. conflictus, & variae Interpretum
opiniones *Wesemb. consil. 40. num. 22. Menoch. 2. ar-*
bitr. quest. casu 432. Henning. Gæd. consil. 5. num. 1. Barr.
Jas. & Doctor. comm. ad l. civitas ff. d. R. C. Si obliga-
tæ del. civitas seu Universitas, requirunt, ut non tan-
tum Consules, Syndici vel Senatores, aut alij qui reipub.
gubernaculo sunt praepositi, pecuniam mutuam su-
munt, sed in consilium etiam vocent decuriones seu
tribunos plebis, vulgò dicē *Gildenmeister* / quod si non

faciant, non civitas seu universitas, sed ipsi qui contraxerunt, obligabuntur, *arg. l. 27. civitas ff. d. R. C. l. fin. C. ad SCtum Macedon.* Contra *Zaf. ad d. l. civitas num. 11.* dicit ad obligationem sufficere, si tantum Consules aut Senatores contraxerint. Horum autem interpp. diversas sententias limitando conciliare & retinere possumus, modo dicamus, quod secundum *Zaf.* sententiam Consules & Senatores peculiare mandatum & consilium ab universitate acceperint, quo easu perinde civitas, ac ipsa contraxisset, obligatur. Non verò obligationem tantum universitati obtrudit, si Senatores & Consules contraxerint, verum etiam si pecuniam in civitatis utilitatem versam esse probari possit: *d. l. 27.* tunc enim ipsa naturalis æquitas suadet, ut ad restitutionem pecuniæ mutuo sumptæ ipsa civitas obligetur.

XVI.

Clli autem hoc probandi onus incumbat, non usque quaque est expeditum inter Interpp. Nos communem sequentes dicemus illud creditori incumbere, *per text. in l. 1. C. d. solut. junct. l. 5. C. cod. Antb. hoc ius porrectum C. d. SS. Eccles. l. si pradium C. d. prad. minor. sententiam gloss. in d. l. civitas, sequuntur Bart. Bal. Alexand. & magis comm. Dd.* debet enim is, qui contrahit cum persona, quæ munus sustinet, curiosus esse de in rem verso, *text. in l. vir & uxor. l. fin. in princ. ff. ad SCtum Felician.* verum cum hæc creditoris probatio potius facti alieni videatur, & probabilem ignorantie causam prætere-re possit, merito quis dubitare posset, unde hanc probationem creditor desumere debeat? Sciendum itaque triplici modo illi de jure succurrere. Ad actionem etenim si volet instituere adversus civitatem, & administrationem interpellare ut huius se sistat, & versionis probatio-

ne suggerat, poterit *l. si parentes & l. seq. C. d. & videt.* quod si vero administrator hoc facere nolit, contra ipsum dirigimur actio. Poterit etiam creditor, priusquam contrahente experiatur, officium iudicis implorare, ut ostendat administrator quoniam mutuum pervenerit, *arg. ejus quod habetur in l. creditorem ff. d. evict. & l. si contendant, ubi gloss. & Dd. ff. d. fidejussorib.* Tandem etiam creditor conditionem certi instituere poterit contra ipsam civitatem & administratorem alternativè cum regulariter ob incertitudinem quæ ex facto adversarij provenit, alternativus libellus admittatur, *Dd. per text. in l. 1. §. quia autem ff. quor. legat.*

XVII.

ET tantum dixisse sufficiat de personis quæ mutuum contrahere possunt, dicendum quoque nobis nunc erit de personis, quæ mutui contractum celebrare prohibentur.

XVIII.

PROhibentur autem primo Praesides provinciarum, seu illi qui provincias regunt, *text. in l. 33. ff. d. R. C. l. 3. l. 16. c. eod. l. eos ff. d. e. & non tantum hi, verum etiam illorum comites.* Rationem autem prohibitionis elegantem Dd. reddunt, ne sc. prætectu mutui fraude & dolo suos debitores circumveniant, aut alias propter nimium Imperium & potestatem, quam habeant in provinciales, illis interdiciant libertate vendendi, vel propter metum illis adimant quavis aliam negotiandi facultatem & potentiam. Quam tamen prohibitionem, non ad quosvis provinciarum directores seu praesides extendimus, sed tantum ad temporales, quia imperpetuum nullam fraudem aut dolum lex praesumit, *arg. l. 34. ff. d. R. C. ubi Gothofr. & Donell. n. 7. de edict. quæ l. 3. C. d. R. C.*

XIX.

Exactores quoque in tabularijs, archarii, seu illi qui praesunt aerario publ. pecuniâ mutuari non possunt, *l. 1. ff. d. susc.*

*Et i. ff. d. his qua ex publ. collat. illat. l. 1. Et 2. C. d. his
qua ex publ. rat. Ut & impuberes & furiosi & pupilli, licet cre-
num ut quemvis alium contractum sine curatoris con-
sensu inire non possint, sic etiam hunc contractum ce-
lebrare nequeunt, l. 9. in princ. ff. d. auctor. tutor. l. 1. §.
2. ff. d. consil. i. perit. l. 127. ff. d. l. O. §. 9. Inst. d. mutui-
lib. stipular. l. 2. ff. d. fideiuss. l. 189. ff. d. R. J. l. 14. in fin.
ff. loc. i. fia. f. u. l. 1012. ff. d. R. C. W'esenb. in parat. b. num.
12. Et quatuor quidem li. rem suarum dominii sunt,
attamen quia de iure non liberam & plenam ma-
cundem habent administrationem arg. l. 3. ff. ad SC. cum
Maccedon. §. nunc admonend. l. 1. ff. quib. alien. vel non lic.
mutuum celebrare prohibentur. Quod vero jam de
pupillo, furioso & alijs diximus, optime etiam ad pro-
digum referri posse putamus, siquidem ille etiam furio-
sum faciat exitum, l. 40. ff. d. R. J. quare quem admo-
dum furiosus ex omnibus promissis & factis ne quidem
naturaliter obligatur, l. 6. ff. d. V. O. l. 9. §. sed et si ff. d.
R. C. Br. Castrenf. Bl. Cujac. Et a. y. magus comm. Dd.
ad l. 6. ff. d. V. O. sic etiam prodigum hoc casu ne quidem
naturaliter obligari dicimus.*

XX.

DE filiofamilias autem an hic mutuare possit pecu-
niam Dd. dubitant; & cum quidem regulariter ex
omnibus contractibus tanquam paterfamilias oblige-
tur l. tam ex contractib. ff. d. judic. l. filiusfamil. ff. d. O. Et A.
regulariter tamen duae accipiuntur causae, quibus eum
obligari Doctores nolunt; quarum prima est votum in
causa publica, secunda pecunia credita in re privata:
ex voto etenim filiumfamilias non obligati probat l. 2.
§. 1. ff. d. pollicitat. ut nec ex pecunia credita l. 1. ff. ad
SCum Maccedon. de qua tamen secunda causa specia-

le adhuc esset SCtum, quod Macedonian. nominatur.
 Cum etenim olim Romæ iniquissimi sceneratores pe-
 cuniarum filiis familias sub maximis usuris credebant, im-
 primis autem Macedo scenerator ille iniquissimus: &
 sic filii familias anam ad captandam mortem paren-
 tum prebebant, quo exsoluerent æs illud alienum,
 quod contraxerant, ob publicam utilitatem SCtum,
 hoc Macedonianum est introductum, quod prohibuit
 sub certa poena, ne filius familias sine iussu parentum pe-
 cunia exereretur *l. 40. ff. d. condict. indeb. l. sed etsi p. §. si cum auget seqq. ff. ad SCtum Macedonell. in procemio*
C. d. excepte num. 14. Gometz. thom. 2. variar. resol. c. 6.
num. 2. in fin. Quod tamen SCtum Macedonianum,
 non ponitur ad filium familias qui miles est, seu qui
 in castris vivit *l. 2. ff. ad SCtum Macedon. l. ult. in fin. C.*
ead. cum etenim hic ratione castrensis peculij habeatur
 pro domino *dd. ante l. placuit quidem veteribus*, ut se-
 cundum castrensis peculij quantitatem ipsi liceat mutu-
 um contrahere, *l. 1. in fin. C. l. 2. ff. ad SCtum Macedon.*
 verum Justinianus hoc iustulit, constituitque genera-
 liter, nullā adhibere limitatione filium familias mili-
 tem inuicem pecuniam non habitā ratione quantita-
 tis pecunie castrensis, accipere posse, illumque
 contractum firmum & validum esse *l. fin. §. ult. C. ad*
SCtum Macedon.

XXI.

Ceteris hæc prædicta quaeri solet, an filius familias qui
 in iussu parentum constitutus, nec ullum pecu-
 lium castrense vel quasi habet *l. 4. ff. d. his qui sunt sui vel*
alieni per. renunciare possit huius SCto Macedoniano?
 & quamvis regulariter quidem negum sit, quod quili-
 bet possit iuri pro se introducto renunciare; attamen fi-
 lius

hujusmodi hoc beneficium nemini remittere potest,
quia non propter se, sed propter publicam utilitatem
est introductum, *Covar. in cap. quamvis d. pact. in 6. pag.*
2. §. 3. num. 6. l. 1. ff. ad SCtum Macedon. arg. l. 7. §. ff.
paciscar. & l. jus publicum ff. d. pact. l. 11. ff. ad SCtum Ma-
cedon. vide Donell, 12. comment. J. C. c. 26.

XXII.

Materia porro in qua versatur mutuum, sunt potis-
simum res illæ, quæ nostro domino subjacent, quo-
rumque liberam administrationem habemus *l. 2. §. ap-*
pellata ff. d. R. C. non ergo nummi alieni, seu quorum
domini non sumus à nobis credi possunt; ut & servus
fugitivus, fur, latro pecuniam spoliata, aut alius ma-
læ fidei possessor, nummos credendo mutuum contra-
here non potest *l. 13. in princip. l. 11. §. fin. & ibi Donell ff.*
d. R. C., ratio est, quia ut ante dictum, mutui dario requi-
rit dominium, *d. l. 2. l. quamvis C. d. R. C.* hoc autem cum
apud prædictos non sit, utique etiam hunc contractum
inire non possunt. Verum enim verò nonnunquā eve-
nit, ut is qui dominus pecuniæ non est, eam nihilominus
credat, *ut in l. rogasti ff. d. R. C.* ubi quis a fœneratore,
petebat pecuniam mutuam, is autem primo se non ha-
bere, ut improbi fœneratores solent, respondit, sed ei
pannum, vestem, lancem, aut aliud hujusmodi tradit,
distrahereque jubet, quo illa tanquam certum pretium
habeat, & venditis illis, nummis tanquam creditis utar-
tur: quæri ergo potest, an dici possit, hunc contractum
ritè esse celebratum, præsertim cum rei creditæ domini-
um de jure requiratur; hic autem qui pannum, vestem,
lancem, aut aliud quid dedit pecuniæ, inde obimparatæ
dominus non fuerit: & quamvis quidem si rigorem
& apicem juris inspiciamus, hæc conventio mutui con-

tra tum non efficiat, attamen neglecta juris subtilitate propter singularem utilitatis causam hoc approbatum esse, mutuumq; valere dicitur *Cujac. 8. obs. 8. § lib 8. ad African. in explicat. l. qui negot. ff. Mand. ne forsam frustra fiat per plura, quod fieri potest per pauciora l. 2. ff. quod met. causa, l. ampliorem C. d. appell.*

XXIIH.

QUod autem diximus de fure, servo fugitivo, latrone, aut alio quolibet injusto possessore, illos nimirum mutuum nummos credendo non efficere, non ita intelligi volumus, quasi nullo omnino modo subsistere hic contractus ab illis initus, aut nullo prorsus remedio illi succurri possit, sed quod etiam aliquando mutuum ab illis contractum (quamvis quidem ab initio non valeat,) tractu tamen temporis reconvalescere possit: Sinimirum consumptio nummorum creditorum accedat, *l. non omnis 19. §. si pupillus ff. d. R. C. l. nam et si fur ff. cod. l. quadam ff. d. reb. dub. l. si quis pro eo 50. §. si nummos ff. de fidejussor l. Casius ff. de solut.* Sed dubitari posset, qua ratione hoc sit constitutum ut consumptio eam vim & efficaciam habent, quam translatio dominij, ut nimirum propter consumptionem detur etiam condictio ei, qui pecuniam alienam mutuam dedit, sciendum itaque magnam id voluisse utilitatis rationem, ne videlicet is, qui alienam pecuniam mutuam accepit, cum alterius iactura locupletaretur, nulla prorsus actione adversus eum competente: *l. nam hoc natura ff. d. condict. ind. 6.*

XXIV.

NON autem hic intelligimus consumptionem, quamvis, siue illa sit bona, siue mala fide peracta, sed illam tantum, quæ bona fide est facta, h. e. enim so-

sola conditionem inducit, si enim nummi fuerint dolo malo consumpti, aut quis dolo possidere deliquerit, actione ad exhibendum agatur *l. ad exhibendum 5. C. ad exhib.* quia qui dolo desinit possidere pro possidente, damnatur *l. qui dolo 131 l. parem 150. ff. d. R. J.* si vero nummi adhuc exsint, rei vindicatio institui potest *l. rogasti 11. §. fin. ff. d. R. C. Cujac. 13 obs. 23.* sed hic egregia se offert quaestio, an si quis reprobam pecuniam, id est, falsos nummos crediderit, & is qui illos accepit, pro probis expenderit, illosque consumpserit; an nimirum debitor teneatur reddere probos nummos, an vero sufficiat, si tales restituat, quales acceperit? Et *Azo* inquit, non necessum esse ut reddat meliores: verum *Pil. q. 138.* distinguit inter creditorem, qui noverit pecuniam fuisse falsam, & inter debitorem qui ignoraverit, si enim creditor ignoraverit falsos fuisse nummos, contra debitor sciverit, utique probos pro improbis reddere debet, allegat *text in l. domum ff. d. contrab. empt. vers.* simili quoque modo, si vero debitor ignoraverit, contra creditor sciverit, ejusdem generis & qualitatis nummos, quales accepit, restituere poterit quin alias etiam creditor punitur *l. Cornel. d. fals. Abb. in c. quante. d. jurejur.* cujus distinctioni & nos nostrum calculus adjicimus,

XXV.

Meminimus ante mutui materiam versari circa res: res autem hic non intelligimus quasvis, sed illas duntaxat, quae in numero, pondere & mensura consistunt, *l. 2. §. 1. ff. d. R. C.* unde *Do.* concludunt, quod si mihi res aliqua ad mensuram data est, non possum eam ad numerum restituere, aut aliud pro alio invito creditore solvere: veluti si mihi oleum ad pondus & frum-

mentum

mentum ad mensuram datum sit, non possum oleum,
ad modicam & frumentum ad numerum reddere, aut
alias illorum estimationem præstare. Quod ipsum sa-
ne non semper obtinet, cum etenim necessitas nullam
sibi præteritam habeat legem, casu necessitatis etiam
debitorem strictam juris regulam transilire, & si idem
genus reddere nequeat, aliud restituere, aut ejus æsti-
mationem præstare posse asserimus *Duar. i. disp. annivers.
c. 14. facit l. pretij causa 9. C. d. Rescind. vendit. Auth. hoc
nisi l. C. d. solut. Br. & Dd. comm. ad d. sep. l. 2. Nov. 4. cap.
3. Grotius. ad l. 162. d. R. 7.*

X XVI.

SED quid dicendum, mihi ne si et extra casum neces-
sitatis pecuniam reddere, si argentum ad pondus ac-
cepero, & *R. gloss. in d. sep. l. 2.* quod optime possim, hoc
tamen addito, ne ære, aut aliàs minus præstanti metal-
lo pecunia illa sit mixta aut contaminata *l. 1. §. 1. ff. d.
aur. & arg. lig. l. cum aurum §. proinde & l. si quis argen-
tum C. d. donat.* quam sequuntur *magis comm. Dd. Br. &
Aly. facit etiam text. in l. Paul. ff. d. solut.* rationem hanc
addunt, quia si tibi pecuniam solvo, quæ ejusdem sit li-
gæ, videtur asserre tantam utilitatem, quantam affer-
ret ipsa massa argenti *Br. in d. l. Paulus ff. d. solut.* Cum
enim solvitur pecunia ejusdem ligæ sive bonitatis, in
materia, licet sint diversæ formæ, tamen idem videtur
solvi quo ad effectum & valorem, & sic tenetur credi-
tor recipere pecuniam illam oblatam, quia eandem ac
ex massa argenti percipit utilitatem, si vero debitor vel-
let offerre creditori alterius materiæ monetam, quæ cu-
pro, metallo, aut alia minus nobili materia esset infe-
cta, quia tunc illa restitutio non idem præstaret com-
modum, imò aliud pro alio invito creditore solveretur

assumere creditor non tenetur, sed ut idem genus in eadem bonitate ipsi restituatur, agere potest, conditione neque uti.

XXVII.

Quæ omnino ita se habent, si mutuum revera sit contractum, quid autem obtinet, si à me primo petas pecuniam ex causa donationis, volebam tibi quidem donare, sed eo ipso tempore ipse pecuniâ indigebam, post illud tempus autem facile mihi erat illud tibi donare: Itaque contractus inter nos est initus, ut ego eam pecuniam tibi donem, tu autem eam mihi credas, ut ego interim eâ possem uti, tua autem nihilominus maneret, potesne etiam conditione cerni ad perendam eam mecum agere? & R. *¶ Cuius Vlp. in l. si ego pecuniam 20. ff. d. R. C.* inspecto rigore & apice juris, itemque verborum subtilitate nec donationem, quia donatio meram requirit liberalitatem *l. 1. ff. d. donat.* quæ in hoc casu non est, nec mutuum esse, quia ex solvendi causa, magis quàm obligandi datur contra *l. si filius familias 14. ff. d. R. C.* & debitor potius suum quàm alienum accepisse videtur contra *d. f. l. 2.* æquitate autem considerata tam donationem, quàm mutuum esse: donationem, ut transferatur pecuniæ dominium in accipientem, ex causa donationis; mutuum verò, ut pecunia quæ sua facta est, transferatur ex causa mutui in donantem; & quamvis quidem verum sit, quod habeat animum liberandi se à priori obligatione, attamen etiam habet animum contrahendi ut in *l. in traditionibus ff. d. pact.* Cui sententia & nos secundum monitum *l. 8. C. d. judic. ad stipulamur.* Accedit huc etiam quæstio tractata in *l. 9. §. fin ff. d. R. C.* depositi apud Titium pecuniam, is venit, rogaturque ut ipsi tanquam creditum concedamus, con-

convenit inter nos, ut eâ tanquam creditâ utatur: qua-
ritur ergo, an etiam creditum dici possit, priusquam ab
illo moveatur & R. *Nerva Proculus* mutuum esse, con-
ditionemque dari *l. 34. vers. nec hinc ff. mand. Cujac 8 obs.*
& quia quodlibet apud aliquem res mea iusta de causa est,
potest is qui eam sic possidet, sine ulla traditione reali,
sed solâ contrahentium voluntate, fictâque quasi tradi-
tione dominium & possessionem ejus consequi *l. si ser-
vus 21. §. fin. ff. d. A. R. D. l. quod meo 18. ff. d. Acquir. pos-
sess. §. interdum 49. Inst. d. R. d.* Si verò liberâ tuâ vo-
luntati concesserim, ut illâ pecuniâ quæ apud te depe-
sita jacet, si voles utaris, non prius creditum, quam si
ritoria sit diceretur. *l. seq. 10 ff. d. R. C.*

XXVIII.

PERspectis jam & cognitis aliquo modo substantiali-
bus & formalibus mutui, restat, ut de accidentalibus
etiam aliquid videamus, qualia sunt: conditio, pigno-
rum obligatio, pacta & alia, de quibus videri potest &
*pacta conventionis ubi glo. magna ff. d. contrab. empr. Zaf. sin-
gulari R. p. c. 12.*

XXIX.

CONditio potro rectè mutuo ex causa mutui adjici-
tur *l. omnia 7. §. l. seq. ff. d. R. C.* nam sicuti conditio
vel dies rectè adicitur stipulationi, ita etiam inseri po-
tuit pecuniæ mutuatæ, *d. l. 7. cum l. seq. junct. l. 9. l. 37.
l. 15. ff. d. R. C.* & quemadmodum conditio adjecta sti-
pulationi, impedit oriri actionem, priusquam condi-
tio existat; sic etiam si pecuniæ numeratæ apponatur,
impedit dominij translationem, donec conditio appo-
nenda oriatur.

Quod autem diximus de conditione, intelligendum volumus de ea, quæ in futurum tempus confertur, non de ea, quæ confertur in præsens aut præteritum tempus ut dicitur in *l. cum ad præsens 37. ff. d. R. C.* conditio etenim in præsens aut præteritum tempus collata, non propriè est conditio, nec actum suspendit, quare etiam tantum talis conditio vocatur figura conditionis, ut in *l. Cornelius 66. in fin. ff. d. heredib. instit. & in l. si statim pulatur 120 ff. d. V. O.*

XXX.

Hinc existit quaestio tractata in *l. pecuniam quam mihi ff. d. R. C.* ubi quidam mihi debebat pecuniam pure sine die & sine conditione, convenit inter nos, ut debitor ille, qui mihi pecuniam debet, Titio sub conditione, si navis ex Asia veniat, promittat; & certum quidem est, debitorem meum Titio non obligari priusquam conditio existat, an verò ego nihilominus pendente conditione pecuniam illam à debitore, qui mihi pure obligatus erat, exigere possim, dubitatur, & quamvis quidem nulla videatur causa, cur ego interim ab eo debitum non petam, quod mihi purè & simpliciter promisit, arg. *l. pure in princip. ff. d. dol. mal. & met. except. attamen R. J. C. Ius Javolen. in d. l. 36. ff. d. R. C.* non posse me statim ab eo petere, quia quædam quasi conditio huic obligationi per me est abjecta, quare etiam illam conditionem, quousque existat, expectare cogor: quod tamen aliter obtinet in fisco, hic etenim conditione nondum existente debitum exigere potest, *l. 1. ff. d. contrah. ex l. in casu tamen publicæ utilitatis,*

XXXI.

Succedit pignoris obligatio, quæ cum secundum *§. fin. Inst. quib. mod. re contrah. obligat.* quo magis credi-
tor

tor in tuto sit, de restituenda pecunia ed magis certifi-
cetur. si introducta, recte & opime quoque huic con-
tractui adicitur, *l. ejus qui in provincia ff. d. R. C.* Sed
quid, si aliquando creditor alicui pecuniam mutuam
det, nec satis idoneum pignus à debitore accipiat, po-
terit ne illeo creditor contractum rescindere, & soli-
dam pecuniae creditae summam repetere? Maxime *l. cre-
ditor 28. ff. d. R. C. junct. l. i. C. d. pignor. l. 26. ff. d. solut.*
aut si non omnimò contractum illum irritum esse vo-
luerit, poterit suppletionem petere in tantum, in quan-
tum non sufficit *d. l. creditor 26. ff. d. R. C.* sequuta igitur
jam suppletionem, & pignore satis idoneo oblato,
hoc quoque beneficium creditori est concessum, quod
possit, si debitor tardet debitum solvere, pignus sibi ob-
latum distrahere, quo sibi satisfiat, *l. 13. ff. d. distract.*
pignor. Non autem ut pro libitu creditor hoc benefi-
cio utatur, iura volunt, sed requirunt, ut distractio illa
fiat, legitime, iudice nimirum auctoritate, solenniter &
bona fide, prout explicatur in *l. 4. l. 7. l. 9. & passim alijs*
C. d. distract. pignor. tum etiam ut pactum de distrahen-
do circa pignoris obligationem sit adiectum §. 1. *Instit.*
quib. alien. lic. vel non l. 4. ff. d. pignorat. act. quod si non
de alienando pignore ab initio convenerit, trina de-
nunciatione opuserit, *d. l. 4.* Inter unamquamque au-
tem denunciationem dies decem intercedant necessum
est, *arg. l. 21. §. 1. ff. d. constit. pecun.* Et quamvis qui-
dem *Br. & alij in d. l. 4.* triduum, alij novem diem ve-
liant, alij porro iudicis arbitrium requirant, *Castren. Sa-
lic. & Angel. in d. l. 4.* priorem tamen sententiam de jure
veriorem esse dicimus.

Tan-

TAndem accedunt etiam pacta, quin & hæc mutuo rectè adiciantur, dubium nullum est, dummodo pacta illa sint licita, nec à *ll.* reprobata ut pacta turpia, *l. pacta C. d. pact.* & *l. contra. jur. ff. d. pact.* aut forsan contra ipsa mutui substantialia, nam substantialis mutui per pacta immutari non possunt, *arg. l. 2. ff. d. usufruct.* & *quemadm. quis utat. fruatur. Br. Castrens. Dec. & alij in l. cum qui dn. 2. d. R. C.* Hinc quæri posset, anne valeat illud pactum, ut tibi creditori meo plus reddam quam acceperim; utpote pro decem undecim & *R. J. Cus in l. 11. §. 1. ff. d. R. C.* non valere hoc pactum, nec nasci obligationem ultra decem; mutuuum est enim contractus realis, & quatenus res non intervenit, catenus etiam obligatio non procedit. *l. 2. §. 3. ff. d. R. C. princip. Inst. quib. mod. re contrab. oblig. l. 7. ff. d. pact.* Nummis itaque qui superest, tanquam creditus non debetur, quia non est numeratus, *per antedictos text.*

XXXIII.

ET quidem hætenus ad constitutionem mutui sufficiant dicta; cæterum cum in jure nostro nihil tam firmum ac validum sit, quod non rumpatur, finiaturve, *gloss. in rubric. C. quib. mod. testam. infirmant.* nihilque magis naturæ conveniat, quam unumquodque eodem modo solvi, quo colligatum est, *l. nihil tam naturale 35. ff. d. R. J. l. 80. in princip. ff. d. solut.* nostrum quoque nunc erit, postquam hætenus in constitutione mutui laboraverimus, etiam de ejus destructione & dissolutione, simus solliciti. Ac primum quidem cum solutione omnistollatur obligatio *l. 54. & 49. ff. d. solut. l. 1. §. 5. ff. d. pignoratit. act.* consequens est, etiam solutione ejus quod mutuatum est, hunc contractum resolvi & finiri.

Non.

Non autem tantum obligationem hanc tollit, si realis & vera quædam accesserit solutio, sed etiam sufficit, si acceptilatione tantum satis fiat, §. *item per acceptilationem?* *Instit. quib. mod. tollit. oblig. l. 1 §. 5. ff. d. acceptilat. l. fin. ff. eod. adde Cujac, 5. observ. cap. 36.* quoniam velut solvisse videtur, qui acceptilatione est usus *l. si ex pluribus 16. ff. d. acceptil.* Ad veram autem & realem solutionem Dd. requirunt, totius *l. 3. ff. Famil. ercis. l. 41. §. 1. ff. d. usur. Hotoman, ill. quest. 20. Gadd. ad l. 23. d. V. O. Rei debita Vult. 1. J. R. c. 53.* aut alterius, creditore tamen consentiente, *d. princip. Instit. quib. mod. toll. oblig. l. 16. C. d. solut. l. 4. §. 3. ff. d. re judic. l. 21. §. fin. ff. d. constit. pecun. Idoneam satisfactionem Vult. 1. J. R. cap. 52. Justo loco l. 2. §. 7. l. 9. ff. quod cert. loc. invito namque stipulatore alio loco quam promissum est, solvi non potest: & tempore factam l. 122. in princip. ubi Dd. ff. d. V. O. quamvis alias mihi licitum sit, debitum illud, quod in certum diem debeo, etiam ante diem invito creditore solvere l. 38. §. 16. l. 50. Et l. 41. §. 1. ff. d. V. O. l. 70. ff. d. solut.*

XXXIV.

PER idoneam autem satisfactionem Interpp. quid intelligant certi & expediti juris est: Ut nimirum ejusdem bonitatis & qualitatis moneta, qualis credita est, restituatur: Verum circa hoc dubium quoddam oritur, an nimirum thaleris, alijsve monetis mihi creditis sub certa figurâ, in eadem figura reddere teneor? & verius esse putamus, si quamlibet aliam figuram ejusdem bonitatis & qualitatis reddam, me liberari, quoniam æstimatio nummorum credita est, non corpora l. 49. §. 1. ff. d. solut. l. 24. ff. depos. l. 34. §. 3. ff. d. leg. 3. adde l. extrinsecus 65. ff. d. V. O. Donell, in l. 3. num. 10, d. R. C. aliud

D

tamen

tamen est, si speciale quoddam pactum accessit, de red-
dendis thaleris sub eâdem figura l. Paulus 99. ff. d. solut.

X X X V.

Sed nonnunquam evenit, ut nummi crediti certarum
specierum tempore solutionis ex hominum com-
mercio prorsus exceſſerint, aut difficillimè haberi pos-
sint, quid ergo juris? R. quod primo casu, ubi prorsus
ex hominum commercio exceſſerint, solutio in alia
moneta usuali fieri possit. Quando etenim debitor
eiusdem generis nummos, quos mutuo accepit, inve-
nire non potest, tunc ipsi a terius generis nummos usu
receptos reddere licitum est. *per text. in cap. cum Canoni-
cus extra d. consil. & in l. pretium 10 §. fin. in fin. ff. d. jur.
dot. Nov. 4. cap. 3. ubi Cujac. & in l. unic. C. d. arg. pres-
tib. 10. Cujac. ad l. quories 59. in fin. ff. d. l. O. Geil. 2. obs.
73. num 6 & 7* Et quamvis quidem hoc nullo legis te-
xtu vel sensu cautum reperiatur; necessitatistamen ra-
tio cum prædicta introduxerit, nos admittit ea posse non
dubitamus *per d. Nov. 4. cap. 3.* secundo verò casu ubi
quidem non prorsus ex hominum commercio exceſse-
rint, sed inventu sint rarissimi. Videndum est, parvo-
ne & tolerabili sumptu acquiri & haberi possint ejusdem
generis nummi, an verò non nisi magno & immenso
sumptu colligi queant; priori casu, ut debitor sibi com-
paret, & creditori præstet, æquitas flagitat, *Cravett.
conf. 836. num. 6. circ. fin.* posteriori verò casu habetur,
ac si non amplius nummi exstarent, proinde debitor ad
eos colligendos & creditori dando cogi non potest, sed
ad solvendam æstimationem secundum antiquorum
nummorum valorem, admittitur: *c. olim 20. extra d.
sensib. l. plerumq. 10. §. fin. ff. d. jur. dot.*

XXXVI.

Quæritur autem hic interpp. num in illa æstimatione quæ præstari debet, solum valor seu bonitas extrinseca, an etiam bonitas intrinseca quæ respondeat generi suo, antiquæ monetæ spectari debeat? V G verum quædam & rara argentea moneta data fuit mutua, sed tempore solutionis, illud monetæ genus prorsus ab usu hominū recessit, aut non nisi in immenso sumptu comparari potest? quæritur ergo, an mutuū reddi debeat non solum in eadem æstimatione, verum in alia etiam similiter argentea pecunia? vel anne sufficiat solutio nummulari in pecunia minori & vilioris materiæ, quæ autem & corrupta sit contaminata? & communis *Da.* auctoritas illudet. ejusdem bonitatis intrinsecæ pecuniam, si haberi possit esse reddendam, *l. 3. ibi* ejusdem generis & bonitatis solvatur *ff. d. R. C. Gest. 2. obs. 73. num. 6. & 7.* Rationem autem *D.* hanc potissimum addunt, quia moneta nova quæ datur, succedit in locum antiquæ, idco etiam fortiri debet ejus naturam, in cujus locum substituitur.

XXXVII.

Verum quid est dicendum, si aliquis mihi ante decem annos dederit pecuniam mutuam, cujus æstimatio hodie vel minor vel maior sit facta, liberor ne, si solvam pecuniam ejusdem bonitatis, quæ fuit tempore contractus? & verius & æquius est, me liberari, *l. 3. & 2. ff. d. R. C. arg. l. 49. §. 1. ff. d. solut. & l. 34. §. 3 ff. d. leg. 1.* id enim solum secundum mutui naturam reddi debet, quod datum est. *arg. l. Paulus ff. d. solut. Holoman. ill. quest. 15. Cons. 3 Miscell. c. 13. Vafq. ill. q. lib. 1. cap. 2. num. 7.* nihilque refert, an bonitas nummorum intrinseca, id est, materia vel forma monetæ Schröde vnd Horn, uti vo-

cāst, vel extrinseca bonitas, id est, valor fuerit muta-
tus lib. 5. §. 1. ff. d. V. O. l. 34 ff. d. aur. & arg. legat. ordinat.
Camer. Imper. etiam vide apud Gylman. in symphoremate
fol. 213. Sixtin. d. Regal lib. 2. cap. 7. num. 148. De ex-
trinseca autem nummorum mutatione Interpp non
conveniunt, nonnulli etenim putant, ut *Joban. Fab. in*
Autb hoc nisi C. d. solut. Molin. in tract. d. usur. q. 100.
num. 749. Donell. in l. 3. d. R. C. num. 9. & 10. hoc casu
non tempus contractus; sed potius præsentem mone-
tæ cursum esse inspiciendum, & monetam præsentem
materia vel pondere deteriore, reddere posse debito-
rem. Rationem huius sententiæ potissimum hanc af-
ferunt; quod in monetis non tam substantia, veluti
materia & pondus, quàm valor & cursus attendatur l. 1.
in fin. princip. ff. d. contrab. empt. l. si is cui 94. §. 1. ibi in
pecunia non corpora cogitet, sed quantitate ff. de solut.
Tum etiam, quod cum certum auri & argenti pondus
est legatum, si species designata non adsit, tum non ma-
teria, sed pretium præsentis temporis præstatur, l. cum
certum 9. ff. d. aur. & arg. leg. Verum his non attentis
rationibus priorem nostram sententiam, tanquam jure
communi, & majori Dd. calculo receptam, retinemus,
dicimusque non tempus solutionis, sed contractus esse
inspiciendum d. f. l. 56. §. 1. ff. d. V. O. l. 35. ff. d. aur. &
arg. legat. aliàs namque si præsens monetæ cursus, non
tempus contractus attenderetur nec tantundem, nec
idem, sed plures vel pauciores nummi, quàm crediti
essent, redderentur, quod esset contra jus & æquitatem.
l. 2. & 3. ff. d. R. C. poterit ergo debitor incrementum
illud, quod monetæ accessit deducere, illoque debi-
tum suum principale exsolvere. *Abb. in c. quanto extra*
d. jurejur. Dec. in l. cum quid 3. d. R. C.

ET hæc ita procedunt, si temporis ratio & Principis decretum monetæ mutationem introduxit, si verò mora debitoris vel creditoris intercessit, tunc incommodum ei nocet, qui moram iniecit seu per quem stetit, quo minus pecunia fuerit soluta, quare si debitor in causa est, moramq; commisit, & valor nummorum interea temporis accrevit, tum præsentem nummorum æstimationem præstare debitor tenetur, nec inspicitur tempus contractus, sed solutionis, & potissimum moræ *l. ratio 1. §. fin. l. siferilis §. 3. ff. d. act. empt.* Verum enim verò cum non tantum debitores, sed etiam creditores in recipienda pecunia credita, nonnunquam moram committant, ut in *l. maritus 49. ff. sol. matrim.* quare etiam cautum reperitur, ut si post illorum moram valor nummorum adauctus sit, incrementum deducere possit debitor, aut tantum illi restituere, quantum præsens monetæ curius postulat, non minus enim creditori quam debitori mora sua nocere debet *l. hominem 37. ibi aut per creditorem &c. ff. mand. l. illud ff. d. peric. & comm. res vendit. Bart. & Dd. comm. in l. 3. & §. ff. d. R. C. Geil. 2. obs. 37. num. 9.* Quod tamen non indistincte Interpp. de omni mutatione intelligi volunt, sed tantum de extrinseca, non verò intrinseca mutatione, cum enim mora nec augeat nec imminuat principalem summam *l. 21. §. 3. ff. d. act. empt. sed tantum perpetuet, l. si serv. 19. §. 3. ff. d. P. O.* consequens putant Dd. à creditore mora commissa, nec debitorem aureos veteres majoris ponderis & bonitatis permutare, nec creditorem à debitore mora facta, meliores seu pretiosiores nummos quam credidit, exigere posse *arg. l. heres 8. ff. d. tritic. vino leg.* In extrinsecam autem mutatione si valor sit adauctus impostiticius, tum debitor in mora existente, commodum augmenti valoris spectat.

ad creditorem, contra si creditor in mora inventiatur, damnum etiam, quod debitor ex mora sentit, resciscere creditor tenetur.

XXXIX.

Non autem tantum evenit, ut debitor in mora sit, sed aliquando etiam contingit, ut debitor iniquus creditum vel debitum solvere aut non possit aut nolit, quare remedium creditori de jure concessum est, quo pecuniam debitori creditam exigere possit, quod dicitur condictio certi: & quamvis quidem generali nomine condictiones ex quacunque causa & obligatione descendant, proprie tamen & specialiter illam conditionem dicimus, quæ vel ex mutuo, vel ex stipulatione certæ summæ debetur.

XL.

Coronidis loco inquirere libet, an etiam hæc actio detur ex contractu innominato, & quamvis quidem nonnulli Dd. statuunt, quod æque hæc actio detur tam ex contractu innominato & incerto, quam ex certo & nominato, *Wesemb. in parat. h. num. 14. Dd. per l. 9. ff. d. R. C. Cujac. ad l. 74. ff. d. V. O.* Verius tamen est conditionem ex contractibus innominatis non dari *l. 1. 2. § 3. ff. d. præscript. verb.*

S. D. G.

Præstantissimo ac Doctissimo DN.

NICOLAO BESELIN, amico ac fratri
exoptatissimo, de mutuo disputanti;

Gemma Novensilium, Themidosque polita medul-
Beselin, nitidæ non infima gloria Daphnes. (la
Bella

Bella Dicæa videt, his procul Imbellia, bellè
Dum canitæ Themiste, exultat pectore bello.
Bellum exornat, opus Citant nunc tempora bella.
Macte illi bella Sophia septempllice parma.
Naulæe Aonias sic debellare phalanges
Perge, pergenti prælustris adorea honoris
Ecce parata cluit, fulgent quis pectora tandem.

Gratulatur

Johannes Eberhardus Stedingk.

Westph. Rabensb.

V I R O

Doctissimo ac Politissimo

DN. NICOLAO BESELINIO

adgnato & amico suo ut charissimo ita

certiſſimo de M U T U O disputanti

adponebat,

Dile mihi, quis merito sublimia pulpita scandit?
Quem penes est Virtus, Ars, Labor, Ingenium,
Jure quis eximios affertat juris honores?
Quem penes est Virtus, Ars, Labor, Ingenium:
Tu quam non horum expers sis NICOLAE bonorum
Indicium nobis publica arena facit.
Perge ut cepisti, magnum tibi conciliabis
Sic nomen, patria & commoda multa feres.
Perge, velut pergis, posthac ut talia prodas,
Uteq, diu valeas, faxit id omne DEUS.
Sic loca te tandem facias conscendere ad alta,
Et verè sic post fata superstiteris.

Johannes Beselinus Rostochien-
sis - Megapol.

V I R O

LITERATISSIMO & PRÆSTANTISSIMO,
 DN. NICOLAO BESELIN,
 Rostochiensis, de contractu mutui respon-
 sуро, amico meo oculissimo.

O Tu virtutis, tu laudis & artis ocellus,
 O tu nostræ animæ deliciosa anima,
Mutua te virtus, me virtus mutua cepit
Iustitia, hinc noster mutuus exstat amor,
 Mutuus exstat Amor noster, magè murus exstat,
 Quid tu tam doctè mutua jura colis,
Mutuus es certè, nec tu mutabilis unquam,
Laude tuâ & nunquam mutus hic orbis eris,
 Sunt res fungibiles virtutis mutua jura,
 Tàm scito nam tu fungeris officio;
Neg te mutato verùm immutabilis exstat!
Sic verè verè mutuus esse potes!

Apponeb.

Johannes ab Hœckelshoven,
 Junior Bresla-Silecius.

